

天威老子顯赫天尊
 紫極老子回真天尊
 南方八天老子天尊
 龜山老子五炁天尊
 圓行老子寶鍊天尊
 導道老子侍極天尊
 千誦老子回道天尊
 四明老子隨生天尊
 雲慶老子雲光天尊
 遊玄老子上京天尊
 寶量老子元老天尊
 西方八天老子天尊
 太衝老子普度天尊
 九炁老子真化天尊
 黃老老子度生天尊
 紫陽老子養神天尊
 定相老子飛行天尊
 高業老子觀天天尊
 飛黃老子九光天尊
 大法老子玄極天尊

北方八天老子天尊
 回元老子三素天尊
 六合老子壯度天尊
 紫度老子流嬰天尊
 與相老子真炁天尊
 勸化老子至容天尊
 百仙老子延真天尊
 共刃老子五炁天尊
 九變老子清靜天尊

元始天尊統億劫以來諸天大聖十方應化
 老子天尊備洞天靈寶導引齋法當以正月
 三月五月七月九月十一月六月陽曆月正中
 之時隨方敬禮老子天尊首體投地三十二
 禮散華燒香晝日祈請然燈靜念夜以朝懺
 一心丹竭萬善咸臻至真太神當自冥應克
 得通感度學道之人也

太上導引三光九變妙經

太上導引三光寶真妙經
 元始天尊時在赤明世界丹靈國主朱鳳城
 中明霞宮內御三炁丹華之殿與諸天大聖
 至真尊神五老帝君金闕後聖三清元極上
 聖高尊東華太皇西靈金母三十二天帝八
 十一天君玄和靈妃太明五女元執之東校
 定天元制御洪災考量劫運按三元籙籍度
 一切人三界九幽沈潛異類萬靈稱恭咸觀
 法門地獄寧闕八陰開明積病瀉滯錄銷
 除預觀天光威蒙大慶十方元極世界承道
 威神倏忽之間僉然俱至時東西極遠之處
 忽有奇光上照太空來入法會九色艷逸灼
 燦鮮華焯燁流芳不可熱視即有天君天帝
 真人仙人玉女玉童天人眷屬皆項生圓象
 足步蓮花充塞三方一時齊至既入法會禮
 觀天尊燒香散華供養朝謁法事既畢各退
 本方左右二邊依位而坐於是太真舉信神
 王仗幡天樂空歌萬種互作震駭天地喜樂
 難言法會未悉音德妙行真人即從塵起安
 徐雅步直詣道前稽首作禮上白天尊今此

101 A 230

會中有東西二衆形神擬持相好端嚴進止
雍容奇光輝燦宗修何法師稟何人以何因
緣證斯品位願賜告勅教所未聞

天尊告曰普德妙行汝證位上真多歷年劫
聖尊品緒真果階修內外高卑深淺行業成

所洞見无不該詳二衆所修亦當備悉汝所
發問當是此會之內有小聖童真及初仙之

人所習未廣見彼來眾默有所疑汝又欲顯
彼所修昭示後學故此發問廣為眾生開演

妙門作大法利此心弘普不可思議復坐諦
聽當為汝說夫大道之化先乎无先非有非

无至幽至寂離聲離見非色非空微妙玄深
不終不始將示開化漸布生成於太虛冥寂

之中先分道系稍見形兆清濁有殊清淨為
天濁厚為地二系分判一陰一陽陰陽至精

結為日月陽極於九日含九芒陰極於十月
分十彩月以踈速日以舒遲月以裁成日以

生化二象遍代照燭於中萬物感通生化於
下又以二象結系日月分精散為星辰止為
川嶽五星五斗交絡於天以正紀綱以司幽

顯物无巨細咸所繫為日月星中各有官關
君臣宰執統領職司仙秩神官罪福條錄各

於其內莫不備陳其中官僚或稟炁挺生或
積功遷昇或隨其修學證品所居總名三光

應道運化皆有自然玉宇八會之文藏祕三
官未傳於世今將授汝下化群生此名導引

三光服御真炁依科盟受按法修行一十八
年功成得道系與道合壽命无窮二方之人

久修此道功充德備形神合昇居三光官中
為三光察屬形儀炳灼光耀紛敷與眾神仙

居然有異若累功不息隨品轉遷自三光下
仙亦登聖位與三洞修要事奉玄同此法在

億劫之前渺漭之際與玉清聖教俱化諸天
二觀三乘等无有別多於大道生疑惑心即

命典經上卿衛真太史監盟統錄玄上職僚
玉司四宮典領官屬闡長華寶殿奉丹景玉

函出三光上篇八天王字九變八會微妙洞
章依四極明科授普德妙行諸天在位萬聖
列儀三界四司咸所瞻視於是普德妙行社
向長跪稽首受經天地萬靈齊聲稱善即以

白玉為簡黃金刻書藏於靈儀之室結璘之
閣四百年內得傳三人受經既悉

天尊告曰二方來衆日月諸仙導御三光證
成真品神形朗徹映照會中以眾所觀甚為

奇妙然於諸方應化一切真仙光相之中未
為殊特勿生疑或自喪善功須臾即見元始

天尊及人天大衆各於身相生微妙光洞朗
太空混融天地種種色相變化无窮如七寶

山照百千日與日月眾混合无殊天尊告言
普德妙行曰大道玄功生化萬物隨形稟受

各有淺深無法應機開度一切隨機修習亦
有等差萬化不同歸於一道道本无二歸於

一元契道之時亦忘此一不拘物我不繫有
无湛寂希夷離言絕想劫運有盡此道常存

安處妙門是名得道說是語已勅命天駕歸
還大羅會眾神仙天真上聖三界內外洞了

真詮稽首大虛作禮而退
太上導引三光寶真妙經